



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-526-2/22**
Datum: **12.10.2022. godine**

«Agencija za vodno područje rijeke Save» Sarajevo rješavajući po zahtjevu Investitora „ELCOM“ d.o.o., Tuzla za izdavanje prethodne vodne saglasnosti za aktivnost ispuštanja tehnoloških otpadnih voda iz proizvodnog objekta namjenjenog za proizvodnju elektro opreme i ormara za napajanje, upravljanje i regulaciju-automatiku u Tuzli, Grad Tuzla na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora „ELCOM“ d.o.o., Tuzla za izdavanje prethodne vodne saglasnosti za aktivnost ispuštanja tehnoloških otpadnih voda iz proizvodnog objekta namjenjenog za proizvodnju elektro opreme i ormara za napajanje, upravljanje i regulaciju-automatiku u Tuzli, koji se planira graditi na zemljištu označenom kao k.č. broj: 1780, 1779 i 1777/3 K.O. Dokanj, Grad Tuzla, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

O b r a z l o ž e n j e

Investitor „ELCOM“ d.o.o., Tuzla se obratio se zahtjevom bez broja dana 03.10.2022. godine za izdavanje prethodne vodne saglasnosti za aktivnost ispuštanja tehnoloških otpadnih voda iz proizvodnog objekta namjenjenog za proizvodnju elektro opreme i ormara za napajanje, upravljanje i regulaciju-automatiku u Tuzli, koji se planira graditi na zemljištu označenom kao k.č. broj: 1780, 1779 i 1777/3 K.O. Dokanj, Grad Tuzla.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 032-0-Reg-13-001955 od 17.12.2022. godine od Općinski sud u Tuzli;
- Ovjerena kopija Uvjerenja o poreznoj registraciji izdatog od Porezne uprave-Kantonalni porezni ured Tuzla od 26.10.2010.godina,
- Ovjerena kopija katastarskog plana, razmjera 1:2500, broj plana 10., UR broj: 07-27-8396/2022-3 od 28.09.2022. godina izdato od Službe za geodetske i imovinsko-pravne poslove, Grad Tuzla;
- Ovjerena kopija Mišljenja o usklađenosti planirane aktivnosti sa prostornim planom grada broj: 12-04/1-19-011086/22 od 12.09.2022. godine izdato od Ministarstvo prostornog uređenja i zaštite okoliša Tuzlanski kanton;
- Ovjerena kopija zemljišnoknjižnog izvotka broj: 11937/22, zk. uložak broj: 959, K.O. Dokanj izdato od općinski sud u Tuzli;
- Saglasnost da objekat neće biti u zoni sanitarne zaštite izvorišta vodosnabdjevanja ili u neposrednoj blizini drugih vodnih objekata broj: 4709/22 od 28.09.2022. godine izdato od JKP „Vodovod i Kanalizacija“ d.o.o., Tuzla;
- Vodna Studija u postupku pribavljanja prethodne vodne saglasnosti za potrebe poslovnog objekta broj: I-281-09/22, Septembar 2022. godina urađena od „ATRIUS projekt“ d.o.o., Živinice;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Na osnovu dostavljene dokumentacije, Studije za izdavanje prethodne vodne saglasnosti i mišljenja tehničke struke utvrđeno je slijedeće:

- Lokacija na kojoj se planira izgradnja proizvodnog objekta namjenjenog za proizvodnju elektro opreme i ormara za napajanje, upravljanje i regulaciju-automatiku je na zemljištu označenom kao k.č. broj: 1780, 1779 i 1777/3 K.O. Dokanj, Grad Tuzla.
- Osnovna djelatnost planiranog objekta je proizvodnja elektroormara sa administrativnim dijelom.
- Prema Studiji parcele nisu ugrožene linijom dopiranja velikih voda 1/100. Rijeka Solina se nalazi na udaljenosti cca 31,50m od predmetne parcele.
- Na predmetnoj lokaciji ne postoji vodovodna mreža niti je izgrađena kanalizaciona mreža.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99, 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:
Remić DŽ., dipl.iur.

Po ovlaštenju
Rukovodilac sektora za zdavanje vodnih akata

Haris Ališehović, dipl.inž.građ.

Dostaviti:

- „ELCOM“ d.o.o., Tuzla
Ul. M.M. Dizdara Stupine B2, Tuzla
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava